

彌沙塞部五分律卷第十二

上三

末屬寶藏佛陀什共竺道生等譯

第二分之三 尼律捨墮法

佛在舍衛城介時優波離問佛世尊已為諸比丘結戒若比丘三衣竟捨迦締那衣已長衣乃至十日若過尼薩耆波逸提乃至若比

乙 亦者

丘自捉金銀及錢若使人捉若發心受尼薩耆波逸提我當云何持佛言應作二部僧持從今是戒應如是說若比丘尼衣竟捨迦締那衣已長衣乃至十日若過尼薩耆波逸提若比丘尼衣竟捨迦締那衣已五衣中若離一一衣宿過一夜除僧羯磨尼薩耆波逸提

若比丘尼衣竟捨迦締那衣已得非時衣若須應受速作受持君足者善若不足望更有得處令具足成乃至一月若過尼薩耆波逸提若比丘尼從非親里居士居士婦乞衣除因緣尼薩耆波逸提因緣者奪衣失衣燒衣漂衣壞衣是名因緣若比丘尼奪衣失衣燒

衣漂衣壞衣從非親里居士居士婦乞若居士居士婦欲多與衣是比丘尼應受二衣若過是受尼薩耆波逸提若非親里居士居士婦共議當以如是衣直作衣與某甲比丘尼是比丘尼先不自恣請便往問居士居士婦言汝為我以如是衣直作衣不荅言如是便言善哉居士居士婦可作如是如是衣與我為好故尼薩耆波逸提若非親里居士居士婦共議我當各以如是衣直作衣與某甲比丘尼是比丘尼先不自恣請便往問居士居士婦言汝各為我以如是衣直作衣不荅言如是便言善哉居士居士婦可合作一衣與我為好故尼薩耆波逸提若王若大臣婆羅門居士為比丘尼故遣使送衣直使到比丘尼所言阿姨彼王大臣送此衣直阿姨受之是比丘尼言我不應受衣直若得淨衣當手受持使言阿姨有執事人不比丘尼即指示處使便到執事所語言某王大臣送此衣直

與某甲比丘尼汝為受作取便與之使既與已還比丘尼所白言阿姨所示執事人我已與竟阿姨須衣便可往取是比丘尼二反三反到執事所作是言我須衣我須衣若得者善若不得四反五反六反到執事前默然立若得者善若過若求得者尼薩耆波逸提若

^{上二}

^二

不得衣應隨使來處若自往若遣信語言汝為某甲比丘尼送衣直是比丘尼竟不得汝自還索莫使失是事應尔若比丘尼自行乞縷雇織師織作衣尼薩耆波逸提若居士居士婦為比丘尼使織師織作衣是比丘尼先不自恣請便到織師所作是言汝知不此衣為我作汝為我好織令極緻廣當別相報後若與一食若一食直得者尼薩耆波逸提若比丘尼與比丘尼衣後瞋不喜若自奪若使人奪作是語還我衣不與汝尼薩耆波逸提若若比丘尼知檀越欲與僧物迴以入己尼薩耆波逸提若比丘尼病得服四種含消藥酥

油蜜石蜜一受乃至十日若過尼薩耆波逸提若比丘尼前後安居十日未至自恣得急施衣若須應受乃至衣時若過尼薩耆波逸提若比丘尼鉢未滿五綴更乞新鉢為好故尼薩耆波逸提若比丘尼種種販賣求利尼薩耆波逸提若比丘尼以金銀及錢種種賣買尼薩耆波逸提若比丘尼自捉金銀及錢若使人捉若發心受尼薩耆波逸提

尔時偷羅難陀比丘尼從坐店人乞鉢彼即買鉢與之既得便言我不復須可以酥見施即復與之賣所買鉢比店人見語言汝賣店上物不得活耶乃復作販鉢人為答言偷羅

^{上二}

^三

難陀從我乞鉢我買欲與彼不復用更從我乞酥以酥與之故賣此鉢耳諸人言乞人之法應隨所乞取何緣既得不取復索餘物此輩常說少欲知足而今無厭無沙門行破沙門法諸長老比丘尼聞種種呵責以事白佛佛以是事集二部僧問偷羅難陀比丘尼汝

實亦不荅言實亦世尊佛種種呵責已告諸比丘今為諸比丘尼結戒從今是戒應如是說若比丘尼先乞是既得不用更乞餘物尼薩耆波逸提隨更乞多少一一尼薩耆波逸提式又摩那沙弥尼突吉羅

尔時諸比丘尼非時衣作時衣受諸客比丘尼便不能得衣諸長老比丘尼見種種呵責以事白佛佛以是事集二部僧問諸比丘尼汝等實亦不荅言實亦世尊佛種種呵責已告諸比丘今為諸比丘尼結戒從今是戒應如是說若比丘尼非時衣作時衣受尼薩耆波逸提此衣應捨與僧不應捨與一二三比丘尼式又摩那沙弥尼突吉羅

尔時有一下座比丘尼少於知識得未成衣不知作之持至諸比丘尼所語言我最下座少於知識願為我作諸比丘尼言我事務多不得為汝作汝可至偷羅難陀所問之彼多成衣或與汝賀易彼比丘尼即持往問偷羅

難陀便以成衣易之彼比丘尼得已還到所住處諸比丘尼問言汝得衣不荅言得又問從誰得荅言偷羅難陀諸比丘尼言取來共看便出衣示諸比丘尼言此衣勝汝衣數倍由來無人能得彼利汝今忽得甚為希有時偷羅難陀隔壁聞便語彼比丘尼還我衣來

不與汝賀諸長老比丘尼聞種種呵責乃至今為諸比丘尼結戒亦如上說從今是戒應如是說若比丘尼與比丘尼賀衣後悔還索得者尼薩耆波逸提式又摩那沙弥尼突吉羅若兩悔若得衣不如本要還取不犯

尔時毗舍佉母請比丘尼僧與遮月水衣還

上二

信索身量即皆與之唯偷羅難陀不與更遣信索荅言我已離欲無復月水不須此衣毗舍佉母作衣竟遣信白諸比丘尼衣已竟願各來取諸比丘尼皆往就坐時偷羅難陀月水正出便先取衣諸比丘尼次第取之衣少不足下座一人不得毗舍佉母問盡得衣不

答言下座一人不得問何以故答言偷羅難陀先言不須不付身量今便先取是以不足毗舍佉母言云何先言不須臨時便取令他不得諸長老比丘尼種種呵責乃至今爲諸比丘尼結戒亦如上說從今是戒應如是說若比丘尼諸比丘尼語汝取遮月水衣自言

不用臨時先取尼薩耆波逸提此衣應僧中捨不得與一二三比丘尼式又摩那沙弥尼突吉羅先雖言不用最後有長而取不犯尔時偷羅難陀比丘尼常出入波斯匿王宮内王言阿姨若有所須就我取之便語言我須重衣王言就後宮取即復言我欲得王所

著欽婆羅王即與之諸臣譏呵言此比丘尼於無爲法中出家著壞色割截衣而今云何乃索王所著者王雖無惜受者自應知量此輩常說少欲知足而今無厭無沙門行破沙門法時黑離車比丘尼爲毗舍離諸離車恭敬供養諸人若有官事能爲救解莫不歡喜

上二

五

言我蒙阿姨恩得免罪厄今有所須當以相奉便言我須重衣復言須幾價重衣答言須千錢價衣諸人便譏呵言我遭官事雖復費用五倍六倍不及此價此輩常說少欲知足而今無厭諸長老比丘尼聞種種呵責乃至今爲諸比丘尼結戒亦如上說從今是戒應

如是說若比丘尼乞重衣應取賤價直四大錢者若受貴價衣尼薩耆波逸提重衣者寒時衣式又摩那沙弥尼突吉羅尔時偷羅難陀比丘尼復就波斯匿王索所著輕衣黑離車比丘尼從諸離車索五百錢價輕衣諸臣譏呵乃至今爲諸比丘尼

結戒亦如上說從今是戒應如是說若比丘尼乞輕衣應取賤價直二大錢半者若受貴價衣尼薩耆波逸提輕衣者熱時服式又摩那沙弥尼突吉羅尔時耆摩比丘尼到舍衛城在露地布薩爲風雨塵土蚊蠅所惱舊住比丘尼語一居士

言今比丘尼僧露地布蔭有如是如是惱如佛所說若施僧堂舍最爲第一善哉居士可爲僧作布蔭堂荅言我多事不得自作今以此物付阿姨可共料理作竟語我我當自往施僧諸比丘尼既得物已共作是議我等衣用弊壞可分此物各用作之兼御露地布蔭之惱議已便分作衣作衣竟語居士言汝宜應歡喜諸比丘尼衣服弊壞汝所與物分用作衣作衣已竟居士聞已便譏呵言我不歡喜何以故前云作布蔭堂最爲第一而今云何持用作衣諸長老比丘尼聞種種呵責乃至今爲諸比丘尼結戒亦如上說從今是戒應如是說若比丘尼爲僧爲是事從一居士乞而餘用者尼薩耆波逸提若發心欲分及方便皆突吉羅是物應捨與僧不得捨與一二三比丘尼式又摩那沙弥尼突吉羅若雖爲是事乞檀越後自令作餘用不犯

上三

六

惱如前說諸比丘尼爲作布蔭堂故處處乞索乃至今爲諸比丘尼結戒亦如上說從今是戒應如是說若比丘尼爲僧爲是事從衆多居士乞而餘用者尼薩耆波逸提餘如上說

爾時耆摩比丘尼無住止處從衆多居士乞乃至今爲諸比丘尼結戒亦如上說從今是戒應如是說若比丘尼自爲是事從衆多居士乞自作餘用者尼薩耆波逸提餘如上說

爾時耆摩比丘尼無住止處從衆多居士乞

爾時諸比丘尼多聚積器物前後屋中處處皆有遇火燒屋輦出諸物無有極已諸白衣救火見問言此是誰物荅是諸比丘尼物便

譏呵言此輩大不吉利於無為法中出家著
壞色割截衣而聚積器物如王大臣常說少
欲知足而今藏積無厭無沙門行破沙門法
諸長老比丘尼聞種種呵責乃至今為諸比
丘尼結戒亦如上說從今是戒應如是說若
比丘尼藏積器物尼薩耆波逸提器物者資

上二

七

生器物唯聽畜盛酥油蜜香藥醬醋各一瓶
又聽畜金鎗杓各一及一小甕盛米食過是
畜尼薩耆波逸提式又摩那沙弥尼突吉羅
尔時諸比丘尼多聚積鉢乃至今為諸比丘
尼結戒亦如上說從今是戒應如是說若比
丘尼多積聚鉢尼薩耆波逸提聽畜七種處
鉢一以盛飲食二以盛香三以盛藥四以盛
殘食五以除唾六以除掃七以除小便式又
摩那沙弥尼突吉羅
五分律第二分之四 尼律墮法
佛在舍衛城尔時優波離問佛世尊已為諸
比丘結戒若比丘故妄語波逸提乃至若比

丘知檀越欲與僧物迴與餘人波逸提我當
云何持佛言應作二部僧持從今是戒應如
是說若比丘尼故妄語波逸提若比丘尼毀
咎比丘尼波逸提若比丘尼兩舌鬪亂比丘
尼波逸提若比丘尼為男子說法若過五六
語除有別知好惡語女人波逸提若比丘尼

知僧如法斷事已還更發起波逸提若比丘
尼教未受具戒女人經並誦波逸提若比丘
尼與未受具戒女人同室宿過二夜波逸提
若比丘尼向未受具戒女人自說得過人法
言我如是知如是見實者波逸提若比丘尼
知比丘尼麁罪向未受具戒女人說除僧羯
磨波逸提若比丘尼作是語何用是雜碎戒
為說是戒時令人憂惱作如是毀咎戒者波
逸提若比丘尼自伐鬼村若使人伐言伐是
波逸提若比丘尼故不隨問答波逸提若比
丘尼誣說僧所差人波逸提若比丘尼於露
地自敷僧卧具若使人敷若他敷若坐若卧

去時不自舉不教人舉不囑舉波逸提若比丘尼於僧房內自敷僧卧具若使人敷若他敷若坐若卧去時不自舉不教人舉不囑舉波逸提若比丘尼瞋不喜於僧房中自牽比丘尼出若使人牽作是語出去滅去莫此中住波逸提若比丘尼知他先敷卧具後來強自敷若使人敷作是念若不樂者自當出去波逸提若比丘尼僧重閣上尖脚繩牀木牀用力坐卧波逸提若比丘尼知水有虫若取澆塗若飲食諸用波逸提若比丘尼數數食除因緣波逸提因緣者病時衣時施衣時是名因緣若比丘尼受別請眾食除因緣波逸提因緣者病時衣時施衣時行路時船上行時大會時沙門會時是名因緣若比丘尼無病施一食處過一食者波逸提若比丘尼到白衣家自恣多與飲食若餅若麩若不住其家食須二三鉢應受出外應與餘比丘尼共食若無病過是受及不與餘比丘尼

共食波逸提若比丘尼食竟不作殘食法食波逸提若比丘尼知比丘尼食竟不作殘食法強勸令食欲使他犯波逸提若比丘尼不受食著口中除嘗食楊枝及水波逸提若比丘尼非時食波逸提若比丘尼食殘宿食波逸提若比丘尼食家中與男子坐波逸提若比丘尼觀軍發行波逸提若比丘尼有因緣到軍中乃至二三宿若過波逸提若比丘尼有因緣到軍中二三宿觀軍陣合戰波逸提若比丘尼作是語如我解佛所說障道法不能障道諸比丘尼語是比丘尼汝莫作是語莫謗佛莫誣佛佛說障道法實能障道汝捨是惡邪見如是諫堅持不捨應第二第三諫第二第三諫捨是事善不捨者波逸提若比丘尼知是比丘尼不如法悔不捨惡邪見共語共坐共宿共事波逸提若沙弥尼作是語如我解佛所說若受五欲不能障道諸比丘尼語是沙弥尼汝莫作是語莫謗佛莫誣佛

上二

上二

九

佛說五欲障道實能障道汝沙彌尼捨是惡邪見如是教堅持不捨應第二第三教第二第三教捨是事善若不捨諸比丘尼應語是沙彌尼汝出去從今莫言佛是我師莫在諸比丘尼後行如餘沙彌尼得共諸比丘尼二宿汝亦無是事癡人出去滅去莫此中住若

比丘尼知如法擯沙彌尼畜使共住共語波逸提若比丘尼故奪畜生命波逸提若比丘尼故令比丘尼生疑悔作是念令是比丘尼乃至少時惱波逸提若比丘尼僧斷事時不與欲起去波逸提若比丘尼擊擻比丘尼波逸提若比丘尼水中戲波逸提若比丘尼與男子同室宿波逸提若比丘尼飲酒波逸提若比丘尼輕師波逸提若比丘尼自掘地若使人掘言掘是波逸提若比丘尼共諍已默聽作是念諸比丘尼所說我當憶持波逸提若比丘尼受四月自恣請過是受除更請自送請及長請波逸提若比丘尼數數犯罪諸

比丘尼如法諫作是語我不學是戒當問餘比丘尼持法持律者波逸提若比丘尼說戒時作是語我今始知是法半月布薩戒經中說諸比丘尼知是比丘尼已再三說戒中坐是比丘尼不以不知故得脫隨所犯罪如法治應呵其不知汝所作不善說戒時不一心

聽不著心中波逸提若比丘尼與賊期共道行從此聚落到彼聚落波逸提若比丘尼與男子期共道行從此聚落到彼聚落波逸提若比丘尼無病為灸故自然火若使人然波逸提若比丘尼若寶若寶等物若自取若使人取除僧坊內及宿處波逸提若僧坊內及

上二

十

宿處取寶寶等物後有主索應還是事應亦若比丘尼半月內浴除因緣波逸提因緣者病時作時行路時風雨時熱時是名因緣若比丘尼瞋故打比丘尼波逸提若比丘尼瞋故以手擬比丘尼波逸提若比丘尼故恐怖比丘尼波逸提若比丘尼以無根僧伽婆尸

沙謗比丘尼波逸提若比丘尼語彼比丘尼
共到諸家與汝多美飲食既到不與作是語
汝去共汝若坐若語不樂我獨坐獨語樂欲
令惱故波逸提若比丘尼新得衣應三種色
作誌若青若黑若木蘭若不以三色作誌波
逸提若比丘尼爲戲笑故藏比丘尼若衣若
鉢若坐具針筒如是一一生活具若使人藏
波逸提若比丘尼僧斷事時如法與欲竟後
更呵波逸提若比丘尼作是語諸比丘尼隨
知識迴僧物與波逸提若比丘尼與比丘比
丘尼式叉摩那沙弥沙弥尼淨施衣強奪取
波逸提若比丘尼受他請食前食後行到諸
家不近白餘比丘尼除因緣波逸提因緣者
衣時是名因緣若比丘尼以兜羅貯坐卧具
波逸提若比丘尼自作坐卧繩牀木牀足應
高修伽陀八指除入脛孔若過波逸提若比
丘尼用骨牙角作針筒波逸提若比丘尼作
修伽陀衣量衣若過波逸提修伽陀衣量者

上二

十一

長九修伽陀揅手廣六揅手是名修伽陀衣
量若比丘尼知檀越欲與僧物迴與餘人波
逸提尔時諸比丘尼中前中後嗽生熟蒜若
空嗽若合食嗽房舍臭處諸居士來看聞蒜
臭讚呵言正似白衣家作食處復有諸比丘
尼至長者家長者聞嗽蒜臭便語言阿姨遠
去口中蒜臭諸比丘尼羞耻復有一賣蒜人
請諸比丘尼與蒜以此致貧飲食不繼家人
語言若不能與我食放我令去汝自長與比
丘尼作奴隣人聞之呵言汝家自無食何豫
諸比丘尼具以事答有不信樂佛法者語言
由汝親近比丘尼故致如此苦若復親近方
當劇是此等出家本求解脫而今貪著美味
無沙門行破沙門法諸長老比丘尼聞種種
呵責乃至今爲諸比丘尼結戒亦如上說從
今是戒應如是說若比丘尼嗽蒜波逸提若
嗽生蒜咽咽波逸提嗽熟蒜突吉羅式叉摩
那沙弥尼突吉羅若病時嗽強力伏令嗽不犯

尔時諸比丘尼以手拍女根生愛欲心遂有反俗作外道者偷羅難陀亦以手拍女根女根大腫不能復行弟子爲到常供養家云師病爲索食彼即與之其家婦女尋來問訊言阿姨何所患苦荅言我病又問是何等病同是女人何以不道便具以事荅於是諸女譏

呵言此等常毀咎欲欲熱欲覺而今作如此事何不罷道受五欲樂無沙門行破沙門法諸長老比丘尼聞種種呵責乃至今爲諸比丘尼結戒亦如上說從今是戒應如是說若比丘尼以手拍女根波逸提若以手拍拍拍波逸提出不淨偷羅遮式又摩那沙弥

尼突吉羅

尔時諸比丘尼用胡膠作男根內女根中生愛欲心遂有反俗作外道者復有一比丘尼作繫著脚根內女根中時一式又摩那煎油失火燒屋彼比丘尼惶怖志解著脚出外諸救火人見問言阿姨脚邊何等具以實荅即

上二

上二

便護呵乃至今爲諸比丘尼結戒亦如上說從今是戒應如是說若比丘尼作男根內女根中波逸提若內內波逸提出不淨偷羅遮式又摩那沙弥尼突吉羅

尔時諸比丘尼或以一指乃至五指內女根中洗傷肉血出以此致病諸長老比丘尼見

種種呵責乃至今爲諸比丘尼結戒亦如上說從今是戒應如是說若比丘尼以水洗女根波逸提佛既不聽洗便臭穢不淨熱時生虫波闍波提比丘尼與五百比丘尼俱至佛所白佛言世尊我等女人形體臭穢正賴水洗願見聽許佛告諸比丘今聽諸比丘尼以

水作淨佛既聽已復如前法諸比丘尼見種種呵責乃至告諸比丘亦如上說從今是戒應如是說若比丘尼以水洗女根應用二指齊一節若過波逸提式又摩那沙弥尼突吉羅若根內生瘡若有虫入若草石入用指過一節不犯

尔時諸比丘尼剃上處毛腋下隱處生愛欲
 心遂有反俗作外道者時偷羅難陀亦自剃
 隱處毛其主人家嫁女女欲見之便遣信呼
 比丘尼即往時家為女作浴女言先使比丘
 尼浴即呼令浴答言我不須浴諸女便強脫
 衣令浴因見其剃隱處毛即問阿姨何故剃

上一

十三

此便反問言汝等何以剃之諸女言我為男
 子故比丘尼言我亦如是諸女便譏呵言此
 等常毀訾欲而今作如是事不修梵行何不
 還俗自恣五欲無沙門行破沙門法諸長老
 比丘尼聞種種呵責乃至今為諸比丘尼結
 戒亦如上說從今是戒應如是說若比丘尼

剃腋下隱處毛波逸提若剃刀刀波逸提式
 义摩那沙弥尼突吉羅若為生瘡須剃若人
 強捉剃皆不犯

尔時諸比丘尼與比丘獨屏處共立共語生
 染著心遂有反俗作外道者諸白衣見作是
 言此比丘比丘尼獨屏處共立共語必說姪

欲事無沙門行破沙門法諸長老比丘尼見
 聞種種呵責乃至今為諸比丘尼結戒亦如
 上說從今是戒應如是說若比丘尼與比丘
 獨屏處共立共語波逸提式义摩那沙弥尼
 突吉羅若眾多比丘尼一比丘若八難時不犯
 尔時諸比丘尼與白衣及外道獨屏處共立

共語致使摩觸身體說麁惡姪欲語或強逼
 作姪欲事諸長老比丘尼見種種呵責乃至
 今為諸比丘尼結戒亦如上說從今是戒應
 如是說若比丘尼與白衣及外道獨屏處共
 立共語波逸提餘如上說

尔時諸比丘尼與比丘獨露處共立共語生
 染著心乃至今為諸比丘尼結戒亦如上說
 從今是戒應如是說若比丘尼與比丘獨露
 處共立共語波逸提餘如上說

尔時諸比丘尼與白衣及外道獨露處共立
 共語致使摩觸身體乃至今為諸比丘尼結
 戒亦如上說從今是戒應如是說若比丘尼

與白衣及外道獨露處共立共語波逸提餘
如上說

尔時諸比丘尼與比丘獨街巷中共立耳語
遣伴比丘尼令遠去諸居士譏呵長老比丘
尼聞種種呵責乃至今為諸比丘尼結戒亦
如上說從今是戒應如是說若比丘尼與比

丘獨街巷中共立耳語遣伴比丘尼令遠去
波逸提餘如上說

尔時諸比丘尼與白衣及外道獨街巷中共
立耳語遣伴比丘尼令遠去居士見譏呵乃
至今為諸比丘尼結戒亦如上說從今是戒
應如是說若比丘尼與白衣及外道獨街巷

中共立耳語遣伴比丘尼令遠去波逸提餘
如上說

尔時諸比丘尼裸形洗浴諸白衣見圍遶調
笑諸長老比丘尼聞種種呵責乃至今為諸
比丘尼結戒亦如上說從今是戒應如是說
若比丘尼裸形洗浴波逸提式又摩那沙弥

尼突吉羅若遮人不使來若屏處浴若樹若
衣物障皆不犯

尔時諸比丘尼離水浴衣行不知者何物浴
諸長老比丘尼見種種呵責乃至今為諸比
丘尼結戒亦如上說從今是戒應如是說諸
比丘尼離水浴衣行波逸提式又摩那沙弥

尼突吉羅若染浣打若火燒水漂及壞不犯
尔時旃荼脩摩那比丘尼弟子獨得五新衣

白和尚言為我先著使我獲福和尚既著便
不復還弟子著麁弊衣行諸比丘尼見問言
汝獨得五新衣何故不著荅言我先用供養
和尚和尚不復見還諸比丘尼呵責旃荼脩

摩那云何弟子得新衣先以供養便不復還
諸長老比丘尼以事白佛乃至今為諸比丘

尼結戒亦如上說從今是戒應如是說若比
丘尼比丘尼得新衣先以供養便不復還波
逸提若比丘尼得新衣供養彼比丘尼彼比
丘尼應一日著若令更著復應為著隨主意

久近若過限波逸提式又摩那沙弥尼突吉
 羅尔時有比丘尼遮僧分衣餘比丘尼待之
 妨坐禪行道諸長老比丘尼呵責云何比丘
 尼遮僧分衣種種呵責乃至今為諸比丘尼
 結戒亦如上說從今是戒應如是說若比丘
 尼遮僧分衣波逸提式又摩那沙弥尼突吉
 羅若病不得往若不聞不犯

尔時有一下座比丘尼得未成衣少知識自
 不知作持至偷羅難陀比丘尼所求作答言
 我多事不得為汝作復持至餘比丘尼所餘
 比丘尼為作成偷羅難陀問言誰為汝作取
 來看為如法不即以示之便言此衣不如法
 可速撤壞我更為汝作彼即撤壞持往便不
 為作彼比丘尼不能得成著鹿弊衣行所壞
 衣段曬於屋上尔時失火為火所燒風吹墮
 白衣屋上延燒諸家白衣見火從比丘尼住
 處來便瞋呵言我等供養此比丘尼反成怨
 家諸長老比丘尼聞種種呵責乃至今為諸

比丘尼結戒亦如上說從今是戒應如是說
 若比丘尼自撤比丘尼衣若使人撤不還縫
 成波逸提復有比丘尼撤比丘尼衣一日不
 得成四五日乃竟以事白佛佛以是事集二
 部僧告諸比丘今聽諸比丘尼撤衣四五日
 成從今是戒應如是說若比丘尼撤比丘尼
 衣若使人撤過四五日不成波逸提復有比
 丘尼撤比丘尼衣得病不能成以是白佛佛
 以是事集二部僧告諸比丘今聽諸比丘尼
 撤他衣已病不得成從今是戒應如是說若
 比丘尼撤比丘尼衣已無病過四五日不成
 波逸提式又摩那沙弥尼突吉羅

上二

十六

尔時諸比丘尼離五衣著鹿弊衣至諸家諸
 長老比丘尼見種種呵責乃至今為諸比丘
 尼結戒亦如上說從今是戒應如是說若比
 丘尼離五衣行波逸提離五衣者從一家至
 一家乃至出所住門波逸提式又摩那沙弥
 尼突吉羅若浣染打縫時不犯

尔時諸比丘尼以比丘尼衣與白衣及外道
女彼便著行餘白衣見向作禮彼言我是白
衣我是外道女諸白衣便譏呵言云何比丘
尼以比丘尼衣與白衣及外道女諸長老比
丘尼聞種種呵責乃至今爲諸比丘尼結戒
亦如上說從今是戒應如是說若比丘尼以

比丘尼衣與白衣及外道女波逸提比丘尼
衣者有葉有緣有怙式又摩那沙弥尼突吉
羅彼有比丘尼衣從貿易若負債用償皆不
犯尔時差摩比丘尼欲來舍衛城旃茶脩摩
那比丘尼聞其欲來便到其主人家語言差
摩比丘尼當來可爲少多設供答言我亦聞
其當來乃欲自竭辦美飲食及以衣施彼比
丘尼便言何不以衣施僧僧中有正趣正行
人無所不攝何用施一比丘尼爲主人聞已
即轉施僧差摩比丘尼到爲設多美飲食手
自斟酌食竟竊語今正是施衣時而旃茶脩
摩那比丘尼斷我此事諸比丘尼聞汝等何

上二

七

所說具以事答諸長老比丘尼種種呵責云
何斷施人物與僧種種呵責乃至今爲諸比
丘尼結戒亦如上說從今是戒應如是說若
比丘尼斷施人物與僧波逸提施人者於僧
中別有所與名爲施人式又摩那沙弥尼突
吉羅

尔時差摩比丘尼到舍衛城旃茶脩摩那比
丘尼語言我當囑主人令看視汝差摩言不
須汝囑旃茶脩摩那復言汝受我囑既得利
養又福度彼於是差摩默然許之彼即將到
諸家差摩比丘尼有大眷屬行慈心三昧莫
不宗敬無復供養旃茶脩摩那比丘尼者便
生嫉妬心言我囑諸家令彼多得供養而彼
反更道說我惡使我不復得食諸比丘尼種
種呵責言云何比丘尼護惜他家諸長老比
丘尼聞種種呵責乃至今爲諸比丘尼結戒
亦如上說從今是戒應如是說若比丘尼護
惜他家波逸提護惜他家者欲使他家供養

已不供養餘人式又摩那沙弥尼突吉羅

尔時諸比丘尼不安居遊行人間或遇八月

賊或遇水火諸難諸長老比丘尼見種種呵

責云何名比丘尼不夏安居乃至今為諸比

丘尼結戒亦如上說從今是戒應如是說若

比丘尼不安居波逸提安居者前後安居若

無緣事待後安居突吉羅式又摩那沙弥尼

突吉羅若八難起不犯

尔時諸比丘尼於無比丘眾處安居便有諸

疑可應度不可應度可與受戒不可與受戒

作衣如法不如法於戒中有如是等種種疑

不知問誰又為惡人外道之所輕陵諸長老

比丘尼見種種呵責以事白佛佛以是事集

二部僧問諸比丘尼汝等實尔不答言實尔

世尊佛種種呵責言我先不說八敬法比丘

尼應依比丘眾安居耶呵已告諸比丘今為

諸比丘尼結戒從今是戒應如是說若比丘

尼不依比丘眾安居波逸提雖依比丘眾而

十八

無教誡者突吉羅式又摩那沙弥尼突吉羅

若安居中比丘眾移去死亡羅道若為強力

所制若病皆不犯

尔時諸比丘尼雖安居於中遊行遇賊火諸

難諸長老比丘尼見種種呵責乃至今為諸

比丘尼結戒亦如上說從今是戒應如是說

若比丘尼於安居內遊行波逸提遊行者若

從一聚落至一聚落若無聚落半由旬波逸

提式又摩那沙弥尼突吉羅若八難起不犯

一九十

彌沙塞部五分律卷第十二

上二

都締上非知反長衣上音漂澌二同反緻直利

綴知衛販賣上音有長同前蚊蠶下莫文

反正料上音輦正力醬酢澆泥盛藥

上音釜鎗杓時約甕於貢澆泥盛藥

泥字下楚餅字誣音擊擻掘地

物反炙涉誌志兜羅侯勝米揀手掘地

赫蘇二同音劇奇逆咽咽二見於胡膠下音腋下
亦下音裸上即又胡瓦果反泡浣二女伴反撒壞上直曬
所賣有緣下去償音斟酌上音針反之約反
反

十九末

上三

西京大同路在城住人李吉那實巴施中統鈔奉定助刊

大藏經板所集 功德保延母親張氏身官康泰壽筭延更其

自身吉祥如意者

大德十年十月初一日意願

彌沙塞部五分律卷第十三

上三

宋罽賓三藏佛陀什共蓋道生等譯

第二分墮法之二尼律

尔時諸比丘尼安居竟不於比丘僧中請見
聞疑罪無人教誠愚無所知不能學戒諸長
老比丘尼種種呵責以事白佛佛以是事集

乙

二部僧問諸比丘尼汝等實尔不答言實尔
世尊佛種種呵責言我先不說八敬法比丘
尼安居竟應從比丘衆請見聞疑罪耶呵已
告諸比丘今爲諸比丘尼結戒從今是戒應
如是說若比丘尼安居竟不從比丘僧請見
聞疑罪波逸提若僧不和集若八難時不犯
尔時諸長者請差摩比丘尼於舍衛城安居
作是言若受我請當隨時供給便受其請遂
長住不復餘行彼諸長者譏呵言我等應作
餘事諸比丘尼不知籌量不復知去此等常
說少欲知足而今無厭諸長老比丘尼聞種
種呵責乃至今爲諸比丘尼結戒亦如上說
從今是戒應如是說若比丘尼就安居請竟
一宿不去波逸提式又摩那沙弥尼突吉羅
若病若恐怖若不齊限請若非受請處安居
不去不犯
尔時諸比丘尼於國內恐怖處行無救護者
爲惡人剥奪諸長老比丘尼見種種呵責乃